

Yanic notlamati yan nichocayehuaya quemachamion yeicnomantihuin chimmallin xochitlin yetlecahuiloyan huixahuencaniquitazqui nequi noyolla ohuaya ohuaya.

Oatleuhqui yaomiquiztli Atleuhqui xochimiquiztli quitlaçotlaco ypalnemohuanihuica huecaniquittaz quinequi noyolla ohuaya ohuaya.

Incan nonicuitzayan yectloncuicatli noconyatemohea hui hue ninotolinia manennoncuica ohuaya ohuaya.

Caniquitaçon in moxochiuh aya ypalnemohuani hui huen ninotoliniya manen noneuica ohuaya &.

YCUIC INACOLHUACAN IN NEÇAHUALCOYOTZIN ICQUITLAPALOCO
IN HUEHUE MOTEUCÇOMATZIN, MEX.^{co} YQUAC MOCOCOHUAYA.

Xinechaytacan aya nihualacica niztac xochin coxcoxaya noquetzallecacehuaz nineçahualcoyotl huiya xochitl tztzeliuhticac aonpayenihuitz acolihuacan chaao huiya.

Intlaxicaqui naya niqehuaz nocuic nicahuiltico moteuççoma yatatan tilili y papapapapa achalla chala challa yemac çantilli yemacçanquinalle aohuiya xiuhtlaquetzalli cacan xiuhtlaquetzalli ca Mexicoyantli llapanaya.

Aiztac huexotl inyeicaca ohuan caye oncan mitztlamacehunique in mololhuan çanyehuitzilihuitl Acamapich yexachocayan Moteuççoma aycatoconpiay yepetl yepalli yehuan tiox eha aohuiya.

Yehuan tiox mitzyaieoittac mitzyaieomatca Moteuççomay aycatoconpia yepetlatl yepalli yehuan tiox ea.

Incailahue yaoooo yexachocayan Moteuççomay ayaxcahue ticayitaca ya atloyan tepetl aoncanteyaittac in mocococauh tineçahualcoyotl ea &.

Aoncan tlilapan aoncan amocheoyan toconyachihua in maxoconican yetontla macauh aoncan ticayttaquin in mocococauh tineçahualcoyotle aohuiya.

Quauhtlin pipitzcaticac ocelotl nanatzca maxoconican aoncanton tlatohua itzcohuatl aycatoconpiay yeipetl yepallin yehuan tiox ea ao huiya.

Iztac huexotl ymapanaya çantontlato huayehua acatl yztac ymancan toliniztae chalchihuatl ymanca Mexico nican ea aohuiya.

In santo Patile tipatiuh çan yehuan tiox çan quetzal huexotican chalchihuetica çayetoccon altiyan atloyantepetl ayahuitl cantopan mani manquiçon manyectla xochitl amomac on maniyen xochimalintoc amohuic ynamotlatolla ohuaya ohuaya.

Moquetzallecacehuaz tiqueheapehuiya yn yetlachian azcatl inyetlachian quetzalli nnyene malinalon tenpilluan noayahuitl cantopan mani manquiçon ma-

yectla xochitl amomac om maniyen xochimalintoc amohuic ynamotlatolla ohuaya ohuaya.

Tahuili xochitlin cuepontiac y amoxtl mancan ohuaye moxiconican huiyan tomatimaniyan ohuaya ohuaya.

Çancaymamox yanca ytlacuulol yticon mania ynatloyantepetl yn tenochtitlan ni quiçoçohuay yecoyacuecuèpa in yehuan totatzi..... ontlachia yeiuhcan ontlachiya yehua ilhuicatl ytica &.

Xiuhtlaquetzalli yan mochiubticaquin ye Sana ya ilhuicatlaquetzalli mochiubticaquin yehuan tiox huiyan aconpachotimani aintlali maniqui yecon napaloo anahuatlon Amilhuicatl ahuaya ohuiya.

Chalchiuh xochitl y amomac om maniyen in quetzal huexoticayan ancachuach pehuitoque ynatlo yantepetl cemana huaquin maocemilluitl an ohuaya ohuaya.

Ilhuicatl anquicuilohua Anahuatlin tllan quicuilohuayan tepilhuan huiya.

Tineçahualcoyotl timoteuççomatzin oamech yocox ypalnemohuani oamech yocox intota tiox ailhuicatl ytican ohuaya.

XOCHI CUICATL CUECUECHTLI.

Hue nache niehcaya nihuehuetzcatihuitz yenixcucuech aya xochitl y yenocueic momamalina çanicayatoma ho ohuaya canicalle.

Ompa yenihuitz xochitl yztac ihcaca ancayemochan yquiquizcalihtic y amoxtonaticac ho ohuaya anicalle.

Maya pehualoya oya moquetzaco ya izquixochitl o ycaya ahualo ya ohiya yean.

Hohuaya aya tztzelihuihochitlon yea ahualo yaohi yayean.

2.

Nepapan xochitla nietztzelo hoho noncuicamanaco xochitla yhuintihuaya ho nixcucuech ha.

Ompa nihuitz hue haquicaya noneuicamanaco xochitla yhuintihua &.

To ho hue nepapa xochitla oc ocmoyolquimati tlanimitz huica hiyao.

Mani mitz mama ahuiya toho huiya toho huia mochan nicmamatihuitz ahnelhuayo xochitl nicmamatihuitz ahuiyac xochitl y o ancayemochan y xochitl yheaca nia ho.

Yatatatililili yeo haye hayetic ahuiltico ho ancayehuan tiox ypalnemohuani Santa Malia tonantzin chitalalala xochitl milli toquia ho.

Çan tonallo quetzalli papachihui hoo ihuitl moyahuaya amoxcallo in manca chitalalala xochitl milli toquiao.

3.

Ho nichcoquetla nimaçatl omitochina moçotochin maquaquahue maçatli yatantili aya ohua.

Huenache hohua nicuihuani tlatiçohuacan yxochiamox yeucaihuiçol haca-yehua tiox yatantili aya ohuan.

Xochinquahuitl malintiac huicontiac yapixahue tinticaco yemoqui apana ycelteotl ymapan yeton nemi quetzalli coxcox ha toneucatinemi hiyao hamao hama hohohiyaya.

Nechnanquilia y nochalicha ihcahuacaya hi yenonitototiya teixpan aya hohoho hehehan.

4.

Yenocequi yenucic nixcucuechaya nitzanaquechol tzaatzi yenucic hohohon.

Çan nontla lieulotihuitz aya het hualli manca nitzanaquechol tzaatzatzi yenucic hohohon.

Moçotochtlo ya yehcoya quiappanaya moxochitzetzelohua maxicittacan anopillohuan hanaya yaha ohuayan.

Çaquan papalotla coyachichinaya xochitl cueponqui noyollo hanicuihuan y yeizquixochitl yetzietzetzelohuaya yaho yya yan.

5.

Nietzetzeloa ya xochitl nixcucuech y ancaompayenihuitz yao a hiyeen.

Çan yeniquetzaltotl çaniyapatlantihuitz ayahohuaca ompayenihuitz ya hoa hiyeen.

Niquetzal tzanaquechol ynipatlantihuitz ipan nochiuhtihuitz nimoçotochin axinechya ittaçan noçoma teyoyo moetzaca nixpehpeyoctzin ni huetzcatinemian.

Xochit hualli ihtiepanihuitz xochitl y yehuaya ypan nochiuhtihuetzni moçotochin axinech ya ittaçan noçomateyoyomoetzaca.

6.

Nehcoya onochepa nehcoya nichahuichalotzin nonenicaya mayaxiceaquicana nic huitequia nichachalatzaya ypanoho yanomatzin noxochiayouh veyahueya & hoyia ya hian.

Nonehuahue nonacitoya hacayepanotla yenieha huichalotl ompayenicuitoya nic huitequia nic chachalatzaya &.

Niyaompehuaya nihueloncuicaya ompayenihuitz ayatollan aya ytica ni huelicicaya otozcuepon motomaxochitl ayan.

Hohua niahaya yehuaya huelxicaqui yenucic cuicaichtequini quenticuiz noyol timotolinia iuhquintlacuilolli huelxictlilani huelxietlapalaquilla at ahyhuetzian timotolinia ay yo.

XOPAN CUICATL.

No opehua noncuica çannicucianitl huiya mantemaco xochitl may caonahuie-lo aycaontlamachtilo intlalticpac a hohuaya ohuaya.

Camonecuiltlon ticucianitl ayacamach inticya maceuh xochitl aya camach inticyamaceuh inticyaitac in cuicatl tictemacayanica xochimecatl ymocamaça quizticac tontecuiltl ay aya yea hone tlamachtilo intlalticpac ayeaha ohuaya ohuaya.

Quetzalpapalocalca ompayenihuitz ayao yenictoma yenucic. &

Nepapan tlacuilolli yenoyol in nicucianitl ayao yenictomaya nocuic a huaya o. Achihue tonahuiao achinic tonpapaçtinetoyollo intlalticpacqui yeniyoyontzin nixochiyey elehuiyao nixochicuih cuicatinemi, ohuaya ohuaya.

Nienenequi nique elehuiya inienihyotl inteepillotl achicohuayotl nixochi elehuiya nixochi cuicatinemi ohuaya ohuaya.

Nihualchoa nihualicnotlamati çanicucianitl huiya tlaça ahnicuicaz in noxochio ohuaya maic ninapantiaz cano ximohuaya ohuaya ni hualla ocoya ohaiya ohuaya çanoiuhquixochitl aya ypan momati intlalticpacqui çanuelachic tocontlanehuiya ay xopan xochitlo xonahahuiyacan ohuaya nihualoyocoya ohuaya ohuaya.

MELAHUAC XOPAN CUICATL.

Mayahualmoquetza intohuehueh mayahualmoquetza in cuicanitl aya çan-yequitzetzelohuaya nepapan xochitlon on necuiltlonloc onetlamachtiloc inixochihui yxpani ynipalmohuani ohuaya ohuaya.

Çanoctocontlatia yehaya in monecuiltlon ypalnemohuani quen con nequi in moyollo ehua ohuaya ohuaya.

Tetloc yenicano oaintenahuac cayca nichoca çaya ninotelchiuh mayehuelniqui maniquimontlalahui in tonahuac onoque ohuaya ohuaya.

Anihuelitolo nichicoytolo çanitlalotlaqui nicmatia nicaquia noyoliyoo mayecuel nimiquimaniquimontlalahui in tonahuac onoque ohuaya &.

Çanichoca niquittohua yehua in motloc monahuac ypalnemoani mayecueltlacahua moyollo yehua quenin ticnequi intlalticpaca ohuaya ohuaya.

Maximotlapalocan antepilluan teteuctin in huanitzini in mayehuatzin in cohuanacoch amomacehualli ohua aic polihuitz ynamoteyoya in Mexico nicana ohuaya ohuaya.

Canteocuitla maquizecalco çantitlacoti oncatitlaylotlaqui matitlaocox xic hueyli in moyollo inticpaqui machacanyaz cayechani ohuaya &.



Çan michoquiztlapalao ayntepiltzin oquitzini quihualitohuay xic hueyli in moyollo intlalticpacqui machaca ayaz canoyeichani ohuaya &.

YCONTLAMANTLI MELAHUAC XOPAN CUICATL.

Tlalpan temoc in xochitl tlalpan qitemohuia ynipalnemohuani çanimanyehua yectliya xochitl çanimanyehua çoçahuic xochitla ohuaya ohuaya.

In maic neapanaloo antepilhuan anteteuctin ay ahue yehoquiz tlatelotihuitza aya caquitemohui ynipalnemoani çaniman yehua yectli ya xochitl çanimanyehua çoçahuic xochitla ohuaya ohuaya.

Achtleoniquinequi intoyollo in tlalticpacqui huelteyol quima ynipalnemoa moxochihuaya maonnetlanhuilo çoçahuic xochitla caycahuaca xochitl ayacqui-centlamittaz ynictimiquizque ahuaye ohuaya &.

Intlanelteo cuitlatl maxoyatlaiya intlamochalchiuh mocoquimoquetzal çantictlanhuico ayac quicentlamittaz ynictimiquizque ahuaye ohuaya ohuaya.

Yecan tinemico xochipantinemico chintitocnihua oo maiuhcan quentetl maon nemo huay ohuaya ohuaya.

Inça niyoyo yenicapaqui toyollo tixco timatico yectlitotlatol antocnihuani yea nichico ohuaya ohuaya.

Huixa huee yeninotolinia icnopilotl aya ynanahuiya ynanihuelamati çan non-tlatlaocoxtinemi intlalticpac yenica ohuaya &.

Cayanihuizoc inquinequi in noyollo ynimahuiçon tiox hoypalnemohuani yequipiltihua ynicama huiztihua tlalticpacqui inteucyotl intlatocayotl ohuaya ohuaya.

YC ETLAMANTLI.

Totototo, tototototo, tititi, totititi, toti, tihiti, tihititi.

Maoc onic niuhtihua ehuhuaya maocontiximatican xochitl yca y onehualoz incuicatl otiaque yechan ohuaya, cayetocon cauhtihuion ohuaye intotlayocol yn tocuicon çayeoniximachoz oonehualoz otiaque yechan ohuaye ohuaye.

Cuicatlon quicaqui çanoyollo nichoca yehuaya yenicotlamatiachochitica ticauhtehuazque tlalticpac yenican çan tictotlanhuiya hoo tiazque yeichan ohuaya ohuaya.

Manic nocozeati nepapan xochitl manomac ommania manocpaxochiuh inticauhtehuazque tlalticpac yenican cantic totlanhuia oohtiazque yeichan ohuaya ohuaya.

Ohuanca iuhqur chalchihuitlon ohuaye intoconpehpenay yectli yemocuic ypalnemohuani çannojuhqui ynic niuhyotl ayatocon cenquixiatlatlticpac yenican ohuaya ohuaya.

Enontlaocoya in nicuicanitl ycanichoca aitqui huaxochitl canon yeichani, aitquihua yectlon cuicatl çancenemiz yenican intlalticpacqui maoquic tonahuiacan antocnihuan ohuaya ohuaya.

Macanel ac icnotlamati yenican antocnihuan aneço ayac huelichan intlalticpac ayac mocahuaz quetzallian poztequi aye huaya yn tlacuilollia canon popoli-huixochitl oncuitla huiya yehua ixquich ompayahui cano yichana ohuaya ohuaya.

Çano ihuintinemi çan cuelachic motloc monahuaqui ynipalnemohuani hual neyximacho tlalticpac yenican ayac mocahuaz quetzallian poztequia yehuaya intlaeuilolia, çanonpopolihui xochitl ocuitla huiya yehua ixquich ompayahui canoyeichan na ohuaya ohuaya.

Totototo, tototototo tititi, toti tihiti titi tihititi.

Çanompehua noncuica yancohui yenoconehuay çancanyeinuic yehuan tiox ypalnemohuani ohuaya ohuaya.

Cuica ilhuicohmanaya yn yencoc hualacic ypalnemohua antepilhuan maonne tlanhuilo yectiya moxochitli ahuayo ayoo ohuaya ohuaya.

Nepapan quahuiz huayoticac in mohuehueh çanyehuan tiox ohuiya aontzinitzca celizticac ay iahue ycamitzonahuiltia intepilhuan o achinyeiuhcan cuica xochitl hualli manica ohuaya ohuaya.

Intlapalihuihochitl oncuepontoc yonecahuia ycahuaca ontlatohua ye ye huaya inquetzal ayacachtototl aintlacotzin teocuitla xochintototl oquitzin yn patlantine-mia oachinyeiuhcan a cuicaxochit hualli manca ohuaya ohuaya.

Çan tzinitzcan in çaquan yetlahquechol yea tictlatla palpoa yemocuic ipalnemoani tiquin moquetzaltia in mocnihuani in Mexicay ye tiqui mella quahua ohuaya ohuaya. Yyanqui, yancohui yoxahue que nocon chihuacin mahuelniquia maniquetzaltototl yapanti hui ilhuicatl ytic ohuaya ohuaya.

Cuelachic yenelli tontecuiloa oncantonteicnomati ynmotloc monahuac ohuaya ohuaya.

CHICHIMECAYOTL.

Coto, coto coti, coto coti.

Xochinquappetlapan teoxin mac yxochitica quilacatzoa yectiyan cuicatl y: